

楊一凡 王旭 編

古代榜文告示彙存

第八冊



社會科學文獻出版社

楊一凡 王旭 編

古代榜文告示彙存

第八冊



社會科學文獻出版社
SOCIAL SCIENCES ACADEMIC PRESS (CHINA)

古代榜文告示彙存第八冊目次

紀大奎告示

〔清〕紀大奎撰
清嘉慶十三年刊紀慎齋先生全集本

..... 一

龔景瀚告示

〔清〕龔景瀚撰
清道光二十年恩錫堂刊澹靜齋全集本

..... 二七

左輔告示

〔清〕左輔撰
清道光刊念宛齋官書本

..... 五三

張五緯告示

〔清〕張五緯撰
清嘉慶十七年刊講求共濟錄本

..... 二六五

王鳳生告示

〔清〕王鳳生撰
清道光六年刊宋州從政錄本

..... 四三五

劉衡告示

〔清〕劉衡撰
清同治三年四川藩署刊庸吏庸言本

..... 四八五

陶澍告示

〔清〕陶澍撰
清道光二十年兩淮淮北士民刊陶文毅公全集本

..... 五三一

〔清〕紀大奎撰 清嘉慶十三年刊紀慎齋先生全集本

紀大奎告示

雙桂堂稿續編卷八

臨川紀大奎

諭什加縣民各條告示

丙寅五月

爲剴切曉諭事照得本縣茶膏

銓選莅任茲土兩月以來細察風土安分良民固多而滋事莠民亦復不少第念人性皆善何至終爲莠民甘自棄於光天化日之下用特備舉種種惡習剴切曉諭務期痛改前非莠民盡化爲良民倘或不遵教訓仍蹈前轍則嚴刑重處勢難寬宥本縣除惡務盡豈能容畱一人爾民凜之慎之毋貽後悔今將嚴禁各條開列於後

雙桂堂稿續編卷八

告示

一 帶刀結盟之風應嚴禁也查有不法之徒身帶禁刀如黃鱗尾鰓雞尾鯽魚背之類動輒逞兇生事又或三五聚會結盟拜把毫無畏忌凡爾約保居民見有此等身帶禁刀之人無論其曾否打降皆細縛送官訪有此等結盟拜把之人無論其曾否滋事皆密行首報以憑盡法處治

一 團會聚眾之風應嚴禁也敎匪久靖團練久撤查有好事之徒仍然設立團會斂錢聚眾嚇詐鄉愚肆行無忌凡有此等該約保卽赴縣首報據實嚴辦

一 結竊及窩匪之害應嚴禁也查各場每逢集期結竊成

羣其最甚者如漢彭連界之馬脚井綿竹火燒堰連界之永興場又綿竹連界之新市鎮路通崇寧彭縣之徐家場高景關內之高橋場等處往往匪徒聚集類分紅黑除嚴密查拏外爾居民遇有此等匪徒及訪出窩藏之家卽通知約保擒拏送官爾約保務須實力查辦不得怠玩

局賭窩娼之害應嚴禁也查有不法之徒設局誘賭坑騙無知又或窩留娼妓哄誘年少爾約保及鄰居之民遇有此等卽報官先治其有子弟誤被引入者但能自首卽免其罪否則一律重懲

一游手好閒之徒應嚴禁也查少年子弟游手好閒不務正業飲酒頹喪遂至花飛浪蕩漸流爲竊竊又漸流爲賊盜又漸流爲囑匪犯法問罪悔之無及凡爾民家倘有此等游手子弟必嚴行管教如不聽教卽應送官究治倘縱容不管以致漸積爲匪查出并治父兄之罪一宰殺耕牛之徒應嚴禁也耕牛有功於人甚大當被宰時雖剝皮之後猶不得死猶有知覺猶抱痛楚其慘實不忍言人雖殘刻何至爲此必盡法治之決不寬貸一私藏鳥鎗宜禁絕也查鳥鎗例禁森嚴今限爾民等三月內呈繳務完違者連保甲一併按律治罪

一買賣田產宜各從其願也查有當業之人強掙當戶承買又或有力之家故意指勒刁難二者皆非善類嗣後務各憑中理說倘輒因此構訟必兩造均干察究

一起填賣地惡習必按律嚴究也查有不法之徒自起祖父墳冢將地掙賣他人訛詐錢文又或發掘遠年古墳將地掙賣此等匪人實屬可惡嗣後有此必按律分別問擬斬絞徒流或到官之日盡法處死斷不寬貸

一強佔水分之風應嚴禁也查田間水利原應彼此均平遇有盈缺悉聽於天豐年固同樂相慶歉歲亦同病相憐若逞強聚眾霸佔水分損人利己關很爭訟非特官

法難宥抑亦天道不容此等必從重嚴究斷不寬貸

一骨肉爭訟惡習必加倍重懲也查有兄弟叔姪或因爭產構訟或因婦女起衅罔顧天倫全無禮義既甘同於禽獸又何惜其身命必加嚴刑無貽後悔

一捏詞興訟之風必嚴懲也民間詞訟但當據實呈訴果有屈抑自能昭雪若架虛捏飾冀圖朦混不知當堂一訊決然難逃鑒察徒自取重責何益於事

一刁健好訟之徒必嚴懲也查有無情之詞業經批駁旋又瀆呈又或已經斷明復又翻控此等刁健莠民重法處治實由自取

一唆訟棍必嚴懲也民間鄉愚往往聽人挑唆受人包覽動輒構訟此等唆棍必用嚴刑處治死不足惜

一生監恃矜滋事必重懲也身列生監當知自重爲鄉民表率倘或干預公事或欺壓鄉民或逞訟爲能或目無官長至如尖尖帽等名色迹類宵小行同匪類爾旣不知自愛官又何愛於爾按法重懲皆由自取究何益乎屍親訛詐之風宜禁絕也殺人抵命自有明條屍親圖詐殊干例禁至於婦女輕生半由父母失教乃或糾集多人橫肆抄毀凡此法所難容必先按治其罪

一鄉約保正之責宜核實也查鄉間種種不法鄉約保正

同在一方斷無不盡知之理若能實心稽查匪類自難容身若不實心辦理一經察出必將約保重究

一差役之肆擾必重懲也凡爾民不得已興訟許令向原差索看印票倘殊差一二人而多帶白役下鄉或無拘押字樣而私用鎖鍊或進城多日而不爲稟到皆許審訊之時當堂面稟以憑嚴究

一捕役之訛詐必嚴究也捕役種種刁惡最可恨者教賊誣扳平人私行拷索又或鄉民誤買贓物藉端訛詐凡此等類許受害之人赴縣喊稟以憑盡法處治

一邪教煽惑之害宜杜絕也查種種邪教煽惑人心或假

捏天主之名或妄造經咒之術或詭言劫運之數或僞託佛道之書使人聽之而喜聞之而懼又皆假借小忠小信之行以陰售其無父無君之策愚人一墮其中終身迷而不醒甚可憐憫爾民倘有悞習種種教門者速卽猛省悔悟已往者不究將來者必誅萬勿錮蔽自取奇禍一經敗露本縣雖有愛民之心亦不能保全爾等也凜之凜之

一奢侈之風宜禁也民間日用飲食當以儉樸爲先婚姻慶弔惟以率真爲貴若徒事浮華則風俗日敝人心日薄淫蕩以隳其家聲爭奪以壞其族黨富者必易至於

貧貧者必易至於凍餒而死此何爲乎孔子曰禮與其奢也寧儉願我民共敬守之

一仁讓之風宜敦也敬老懷幼敦鄰睦族濟人之急救人之危憫人之孤窮恤人之患難常存惻隱之心不忘辭讓之禮此仁里也若事事殘忍念念不忘知有己而不知有人此互鄉也孔子曰里仁爲美願我民共勉之

一讀書之道宜急講也十室之邑必有忠信牛山之木豈無萌芽在人好學以葆養之耳學非以求功名富貴乃所以學爲君子也一部四書處處分別君子小人叮咛告戒人若不爲君子便爲小人可危可懼人之所以異

於禽獸者全在於此。至於文章乃學者餘事。心源既正。心花自開。雖不讀文章亦能作好文。其效驗最速。若但汲汲讀文章。不治其心。雖至老死亦不能有佳文。所以學貴務本心。卽本也。爾士切莫錯了路徑。

一五倫之道宜首重也。父子有親。君臣有義。夫婦有別。長幼有序。朋友有信。此人生之大本。天下之大道。人人可曉。箇箇可能。但願四境之中。父與父言慈。子與子言孝。人人親其親。人人長其長。禮義雍雍。衣冠秩秩。和氣可致。祥修德可以致福。行見天佑爾民。歲歲豐稔。家家盈寧。爾民之樂何如也。足不履公庭。口不言辭訟。官與

告示

六

爾民之同樂其樂又何如也。

以上二十四條前二十條所以懲惡後四條所以勸善
爾民莫不有本心莫不有良知善惡之分斷斷不可不
嚴君子小人之辨斷斷不可不謹自此剴切曉諭之後
倘甘心爲莠民本縣必盡法剿除決不寬宥凜之慎之
特示